



Bosnia and Herzegovina
Federation of Bosnia and Herzegovina

CANTON SARAJEVO
Diaspora Office

Broj: 14-45-16317-11/25
Sarajevo, 10.10.2025. godine

Na osnovu čl. 6. stav (2) Uredbe o osnivanju Ureda Vlade Kantona Sarajevo za dijasporu („Službene novine Kantona Sarajevo“, broj: 25/22 i 40/25) i članova 20. i 21. Zakona o udruženjima i fondacijama („Službene novine Federacije Bosne i Hercegovine“, broj: 45/02), Šef Ureda Vlade Kantona Sarajevo za dijasporu donosi

O D L U K U

O OSNIVANJU FONDACIJE „ZAJEDNO SA DIJASPOROM ZA JAČU DOMOVINU“

Član 1. **(Predmet)**

- (1) U cilju stvaranja snažnih veza između domovine posebno Kantona Sarajevo i bosanskohercegovačke dijaspore (u daljem tekstu: bh.dijaspora) širom svijeta u oblastima obrazovanja, nauke, kulture, sporta i privrede osniva se Fondacija „Zajedno sa dijasporom za jaču domovinu“, sa sjedištem u Sarajevu (u daljem tekstu: „Fondacija“).
- (2) Osnivač Fondacije je Ured Vlade Kantona Sarajevo za dijasporu (u daljem tekstu: Osnivač).

Član 2. **(Naziv i sjedište)**

- (1) Puni naziv Fondacije glasi Fondacija „Zajedno sa dijasporom za jaču domovinu“.
- (2) Skraćeni naziv Fondacije je: „Fondacija „Za domovinu““.
- (3) Sjedište Fondacije je na adresi Aleja Bosne Srebrene bb, Sarajevo.
- (4) U slučaju promjene sjedišta Fondacije, kao i svake druge statutarne promjene, organi Fondacije će, u roku od 15 dana, o istom obavijestiti organ nadležan za poslove vođenja Registra fondacija u Federacije Bosne i Hercegovine.

Član 3. **(Osnivački kapital)**

- (1) Osnivački kapital Fondacije iznosi 2.000,00 KM.
- (2) Osnivački kapital je u 100% iznosu u vlasništvu Kantona Sarajevo, a koji će osigurati Osnivač iz Budžeta KS, nakon upisa Fondacije u Registar fondacija Ministarstva pravde Federacije Bosne i Hercegovine.



Član 4. (Ciljevi i djelatnost)

Ciljevi i djelatnost Fondacije su:

- a) organizovanje i podrška inicijativama koje omogućavaju jaču povezanost između bh. dijaspore i matične zemlje,
- b) pružanje informacija i resursa bh. iseljenicima kako bi se podržali njihovi profesionalni i lični projekti, te promovisanje povratka kao i investiranja u domovinu i Kanton Sarajevo,
- c) organizacija događaja, seminara i konferencija koji omogućavaju bh. dijaspori da aktivno doprinosi razvoju domovine i Kantona Sarajevo,
- d) aktivno zastupanje interesa domovine i Kantona Sarajevo na međunarodnoj sceni, posebno u pogledu obrazovnih, naučnih, kulturnih, sportskih i ekonomskih pitanja,
- e) promocija domovine i Kantona Sarajevo kao sigurne i atraktivne destinacije za ulaganje, turizam i međunarodnu saradnju,
- f) saradnja sa vladinim i nevladinim organizacijama na globalnom nivou u cilju jačanja uticaja domovine i Kantona Sarajevo na međunarodnoj sceni,
- g) saradnja i angažman pravnih i fizičkih lica u domovini, a posebno onih u dijaspori, s ciljem promocije državotvornosti i očuvanja temeljnih postulata pravnog poretka domovine,
- h) okupljanje pojedinaca i institucija iz domovine i svijeta, posvećene jačanju državotvornosti i očuvanju temeljnih načela pravnog poretka domovine,
- i) olakšavanje investicija za bh. dijasporu u domovinu i Kantonu Sarajevo,
- j) poticanje ekonomske saradnje između bh. dijaspore i domaće privrede kroz razvoj poslovnih mreža i inicijativa,
- k) pružanje savjetodavnih usluga bh. dijaspori u vezi investiranja, pokretanja biznisa ili podršku start-upovima,
- l) povećanje svijesti o mogućnostima za ulaganje u različite sektore u domovini i Kantonu Sarajevo,
- m) očuvanje kulturnih vrijednosti, tradicije i jezika među pripadnicima bh. dijaspore, kao i promovisanje tih vrijednosti širom svijeta gdje živi bh. dijaspora,
- n) organizovanje ekonomskih, sportskih, kulturnih, edukativnih i umjetničkih događanja koja povezuju domovinu, Kanton Sarajevo i bh. dijasporu,
- o) poticanje obrazovne saradnje, razmjena učenika, studenata i naučno-istraživačkih projekata između domovine, Kantona Sarajevo i zemalja gdje žive bh. iseljenici,
- p) kreiranje strateških partnerstava s organizacijama i udruženjima u zemljama bh. dijaspore radi zajedničkog djelovanja na pitanjima od interesa za domovinu i Kanton Sarajevo,
- q) koordinacija pomoći između domovine, Kantona Sarajevo i bh. dijaspore u slučaju prirodnih katastrofa ili drugih sličnih događaja.

Član 5. (Upravni odbor i Statut Fondacije)

Osnivač će imenovati predsjednika i članove Upravnog odbora Fondacije, te donijeti Statut Fondacije u roku od 90 dana.

Član 6. (Lice ovlašteno za upis Fondacije)

Kemal Alečković, advokat, u ime Osnivača, u svojstvu ovlaštene osobe podnijet će prijavu s dokumentacijom i izvršiti druge radnje potrebne za upis u Registar fondacija kod nadležnog organa.



Član 7.
(Stupanje na snagu)

Ova odluka stupa na snagu danom donošenja.

ŠEF UREDA

Emir Ibrahimagić

Dostaviti:

1. Ured Vlade Kantona Sarajevo za dijasporu,
2. Fondacija (x2),
3. Arhiva.

